

Naqqiut**Taarserpaa ilanngussaqaq 11. august 2011-meersoq**

(Oqaaseqaatini immikkoortumi aningaasatigut kingunerisinnaasaani allannguutitut naqqiut.

Kalaallisuuani aamma oqaatsit taaguutillu naqqinneqarput)

ILANNGUSSAQ 1**Atuarfik pillugu Inatsisartut inatsisaata allanngortinneqarneranik Inatsisartut****inatsisissaattut siunnersuummut tusarniaanermi akissutit pillugit allakkiaq****Tusarniaanermi akissutit ilanngunneqarsinnaanerallu pillugit skemanngorlugu allagaqaat**

	Oqaaseqaatit	Tusarniaaf-figineqartoq	Ilanngunneqarnera	Tunngavilersuut
1	Meeqqat atuarfianni pitsaassutsip qaffanneqarnissaanik pingaarnertut siunertaq Sulisitsisut tamakkiisumik taparserpaat.	Sulisitsisut	Naamik	Siunnersuummut isumaqataaneq
1.1	Pissutsit ullumikkut oqaluuserineqarneq ajortut ataatsimut angajoqqaat siunnersuisoqatigiivisa oqaluuseritilertassagaat qularutissaanngilaq.	Sulisitsisut	Naamik	Siunnersuummut isumaqataaneq
1.2	2 mio. kr. ukiumut aningaasartuutigineqartartussat pissutsinut allanut meeqqat atuarfianni pitsaassutsimut annertunerusumik sunniuteqartumik atorneqarsinnaanerannik nalilersuisoqarsimanersoq siunnersuummi oqaaseqaatiniluunniit ersarissumik ersinngilaq. Assersuutigalugu aqutsinermik ineriartortitsinermut aningaasat atorneqarsinnaapput, naluneqanngimmat annertuunik	Sulisitsisut	Naamik	Angajoqqaat suliaqarfiannik pilersitsinikkut meeqqat atuarfianni pitsaassutsimik ineriartortitsinissamik siunnersuummi pingaarnertut anguniagaq politikkikkut tulleriinnilersuinermik takutitsivoq. Naalakkersuisut naliliipput nuna tamakkerlugu angajoqqaat siunnersuisoqatigiivisa meeqqat atuarfianni pitsaassuttip

	<p>unammilligassaartoq. Taamaamat siunnersuutip sooq meeqqat atuarfiannut annertunerpaamik sunniuteqassanersoq oqaaseqaatini ersittariaqarpoq.</p>			<p>qaffanneqarnissaanut pingaaruteqarluinnarput. Aammattaaq oqaatigineqassaaq angajoqqaat siunnersuisoqatigiivisa suliassaasa aamma ilagissagaat aqutsinermi apeqqutit pillugit isummat aamma aqutsinermik ineriartortitsineq pillugu apeqqummut tunngatillugu suli immikkut suliniuteqartoqassaaq.</p>
1.3	<p>Qallunaatuani ”pillugu” atornagu”-nnut” allassimasariaqarpoq taamaalilluni taaguuteqassalluni ”Atuarfik pillugu angajoqqaat nuna tamakkerlugu siunnersuisoqatigiivi”</p>	Sulisitsisut	Aap	<p>Qallunaatuua iluarsineqarpoq.</p>
2	<p>Aningaasalersuineq siunnersuummi ersinngilaq. Inatsisissatut siunnersuummi ersippoq ukiuni qinersivunngitsuni aningaasartuutit 2,0 mio. kr.- iussasut, ukiunilu qinersivinni 2,7 mio. kr.-iussasut.</p> <p>Nalunaarutigineqarpoq kontomit 40.01.08-mit aningaasalersuisoqassasoq. 2017-imut aningaasanut inatsimmut siunnersuummi oqaaseqaatini ilanngunneqarsinnaappat pitsaassaaq.</p>	AN	Naamik	<p>Aningaasanut inatsimmi oqaasertai oqaaseqaammi pineqarsimassapput. Tamassumunnga oqaatigineqassaaq, aningaasartuutit suliassanik nammineq oqartussaaffinni aningaasartuutit akilerniarneqartut, tamannalu siunnersuummut oqaaseqaatini aamma ersippoq.</p>

3	Atuarfik pillugu nuna angajoqqaat nuna tamakkerlugu siunnersuisoqatigiivinik pilersitsinissamik suliniut kommunip taperserpaa, isumaqarlunilu meeqqat atuarfianni pitsaassuseq qaffatsinniarlugu suliniut pitsaasuusoq.	Kommune Kujalleq	Naamik	Siunnersuummut isumaqataaneq
4	Siunnersuut meeqqat atuarfiannik pitsannortitsisusaaq ataatsimut isigalugu taperserparput.	GU-Aasiaat	Naamik	Siunnersuummut isumaqataaneq
5	Angajoqqaat nuna tamakkerlugu siunnersuisoqatigiivinik pilersitsinissaaq nersortariaqarpoq. Pingaartumik angajoqqaat siunnersuisoqatigiivini sulineq meeqqat illersuisuat peqatigalugu meeqqat atugaannik angajoqqaallu akisussaanerannik isiginninniaritsilersinnaappat aammalu atuarfiit angerlarsimaffiillu pitsannortitsilersinnaappat.	Ilisimatu-sarfik	Naamik	Angajoqqaat siunnersuisoqatigiivisa suliassai salliutillugu meeqqat atuarfeqarnermut tunngapput, Meeqqallu Illersuisuata suliassaralugit FN-imi Meeqqat pillugit Isumaqatigiissut aallaavigalugu meeqqat inuiaqatigiinni soqutigisaannik qulakkeerinninnissaaq siuarsaanissarlu.
5.1	Atuarfinnik ingerlatsineq kommunit suliassaraat, angajoqqaallu nuna tamakkerlugu siunnersuisoqatigiivi Naalakkersuisunit pilersinneqartussaallutik.	Ilisimatu-sarfik	Naamik	Eqqorpoq meeqqat atuarfiat kommunit suliassaqarfigigaat, kisiannili angajoqqaat siunnersuisoqatigiivinik pilersitsinermi qitiulluinnarpoq suliaraqfik sumulluunniit attuumassuteqanngitsoq

				<p>pineqarmat. Taamaammat siunnersuutigineqarpoq kikkut siunnersuisoqatigiivinut qinerneqarnissaannut tunngatillugu Naalakkersuisut kommunilluunniit akuliutsinnagit ilaasortat angajoqqaatut oqartussaassusilinnit imaluunniit meeqqanik paarsinissamik akuersissuteqartunit meeqqat atuarfianniittunik meeraqartunit toqqaannartumik qinerneqartassasut.</p>
5.2	<p>Atuarfiit angajoqqaallu akornanni pimoorussilluni suleqatigiittoqarpat atuarfinnik pitsannguinerusaaq, tassani aamma kommunit akisussaaffiat ersarissumik allaqqalluni. Angajoqqaat siunnersuisoqatigiivi kommunini suliaqarfinnut qanoq atassuteqassappat inissisimassallutillu.</p>	<p>Ilisimatu-sarfik</p>	<p>Naamik</p>	<p>Meeqqat atuarfiannut tunngatillugu kommunit akisussaaffiat atuarfik pillugu inatsimmi §§ 43-mi 44-milu Inatsisartut ersarissumik allaaserinikuuat. Aammattaq atuarfiit angajoqqaallu suleqatigiinnerat inatsimmi pineqartumi atuarfinni siulersuisut pillugit §§ 45-47 killilersorneqarpoq.</p> <p>Angajoqqaat siunnersuisoqatigiisa suliassaanni akerlianik nuna tamakkerlugu suliassat pineqarput siunnersuummilu § 42a,</p>

			<p>imm. 2-mi ersarissumik allaaserineqarlutik. Tassani ersippoq angajoqqaat siunnersuisoqatigiivisa suliassaat tassaasut meeqqat atuarfianni pitsaassutsip qaffatsinnissaa siunertaralugu inassuteqaateqartarnissaq, tassunga ilanngullugit pitsaassutsit pillugit nalunaarusianut tunngatillugu aamma nuna tamakkerlugu tusarniaanermi akissuteqartarneq kiisalu angajoqqaat siulersuisuinut ataasiakkaanut siunnersuisarneq tapersiisarnerlu. Tamassuma saniatigut angajoqqaat siunnersuisoqatigiivi meeqqat atuarfianni pitsaassuseq pillugu ineriartortitsinermi suliniutini peqataasassapput aammalu angajoqqaat peqataatinneqartarnerannut pitsaasunik suleriaaseqarneq pillugu ilisimasanik avitseqateqartassallutik.</p> <p>Tamassuma saniatigut siunnersuisoqatigiit</p>
--	--	--	--

				inatsisip sinaakkutaasa iluanni allanik suliaqarnissamut periarfissaqarput.
5.3	Nuna tamakkerlugu tusarniaaffigineqaannartassann ngippat (imaluunniit politikkimi suliaqarfiuinnassanngippat) kisiannili atuarfinnut angajoqqaanullu iluaqutaasumik suliaqartoqavittassappat isumalluuteqarnissaq piginnaasaqarnissarlu pisariaqarput. Taamatut annikingaatsiartumik missingersuuteqartoqartillugu annilaangassutigineqarsinnaav oq aningaasaliissutit ataatsimiinnernut atorneqartassasut, suliniutivinnullu atorneqaratik.	Ilisimatu- sarfik	Naamik	Naliliisoqarpoq siunnersuisoqatigiit suliassaminik sunniuteqartumik suliarinnittarnissaata qulakkeernissaa siunertaralugu aningaasat annertuut immikkoortinneqartut. Tassunga atatillugu siunnersuummut oqaaseqaatini aningaasatigut kingunissaannik immikkoortumi ersippoq ukiuni qinersiviusuni 4.025.000 kr. ukiuni qinersiviunngitsuni 2.000.000 kr. ataatsimut missingersuusiortoqartoq. Aningaasat taakku tassaapput siunnersuisoqatigiit siulittaasuata akissarsiai siunnersuisoqatigiinnilu ilaasortat allat akissarsiaat. siunnersuisoqatigiinni ilaasortanut arfineq marlunnut siulittaasuunngitsunut taakkununnga 50.000 kr.- nik akissarsiaqartitsisinnaaneq

				<p>aallaavigineqarpoq, siulittaasumullu 600.000 kr.-nik akissarsiaqartitsinissaq naatsorsuutigineqarluni. Tamassuma saniatigut ukiumoortumik aningaasaliisoqartassaaq, taakkulu atorlugit angalasoqartarnissaa, ataatsimiittoqartarnissaa, misissuisoqartarnissaa allatseqarfimmiillu ikiorneqartarnissaq qulakkeerneqassaaq. Aningaasartuutit taakku annertussusaat aningaasanut inatsimmi ukiumoortumik aalajangerneqartassapput, missingerneqarporli minnerpaamik 1 mio. kr.-iussasut. Taamaammat ilimagineqartariaqarpoq isumalluutit suliassat naammagineqartumik suliarineqarnissaannut naammattut.</p>
6	Taamatut angajoqqaat siunnersuisoqatigiinnik pilersitsinissaq IMAK-ip taperserpaa.	IMAK	Naamik	Siunnersuummut isumaqataaneq
6.1	Atuarfinni siulersuisunut atuuttunut atassuteqartitsisoqarnissaa amigaatigineqarpoq. Angajoqqaat sunneeqataasarnerat pisariaqartumik suleqatigiinnissaq	IMAK	Naamik	Sumiiffinni immikkoortunut atuarfinnut ataasiakkaanut atassuteqartunut tunngatillugu aaqqissuussaannermi sumulluunniit atassuteqannginnissaat

	qulakkeernagu marloqiusamik ingerlassaaq.			angajoqqaat siunnersuisoqatigiinnut qitiulluinnarpoq. Siunnersuisoqatigiit sumulluunniit attuumassuteqaratik nuna tamakkerlugu inissisimanissaat tassani siunertaavoq. Siunnersuummili aamma ersippoq siunnersuisoqatigiit suliassaasa ilagissagaat atuarfinni siulersuisut ataasiakkaat sulineranni siunnersuisarnissaq tapersiisarnissarlu. Tamassumanili siunnersuisoqatigiit sumulluunniit attuumassuteqannginnerat sunnerneqassanngilaq.
6.2	<p>Sinniisunik qinerseriaatsimi atuartut katitigaanerat tunngavigalugu siunnersuisoqatigeeqarnissaa qulakkeerneqanngilaq, tassa nunaqarfinni atuartut amerlavallaanik sinniisoqassammata. Tamassumani aamma atuuppoq assersuutigalugu kommunini mikinerni marlunni angajoqqaat.</p> <p>Taamaammat siunnersuutigineqarpoq ilaasortat atuarfinni siulersuisut siulittaasuisa akornanni imatut qinerneqartassasut,</p>	IMAK	Naamik	Siunnersuisoqatigiit katitigaanerat atuarfinnut anginerusunut mikinerusunullu agguarneqarnerannut tunngatillugu tamanna pillugu kommunik oqaloqateqarneq tunngavigalugu aalajangerneqarpoq, taakku naliliipput periuseq siunnersuutigineqartoq naleqqunnerpaajusoq aamma atuarfiit assigiinngiiaartut eqqarsaatigalugit naammagineqartumik sinniisoqarnissaannut

	<p>katitigaanerat tunngavigineqassalluni. Tamassumani atuarfiit siulersuisuunik pioreersunik suleqateqarnissaq aamma qulakkeerneqassaaq, aammalu atuarfiit siulersuisuinut qinersisarneq pilerinernerulissalluni, tassani sumiiffinni angajoqqaat peqataasarnerat annertunerulersinneqassalluni.</p>			<p>tunngatillugu. Ilaasortat atuarfiit siulersuisuini ilaasortat akornanni qinerneqartassappata siunnersuisoqatigiit sumulluunniit atassuteqannginnerat ajoquserneqassaaq, tassa siunnersuisoqatigiit taamaaliornikkut aaqqissuusaanikkut sumiiffinni immikkoortunut pioreersunut atassuteqassammata.</p>
6.3	<p>Siulittaasup akissarsiassaatur sinnersuutigineqartukkut ilimagineqartariaqarpoq siulittaasuuneq piffissaq tamakkerlugu suliffiussasoq. Tamanna angajoqqaat ingerlalluartut qinigassanngortinnginnerannik kinguneqarsinnaavoq, tassa sulinerannut naleqqutissanngimmat, assersuutigalugu namminersortunut angajoqqaanullu suliffimmi qaffakkiartortunut tunngatillugu. Taamaammat siunnersuutigineqarpoq siulittaasoq annikinnerusunik akissarsiaqassasoq, aningaasallu tassunga</p>	IMAK	Naamik	<p>Akerlianik naliliisoqarpoq aningaasarsiassatur siunnersuutikkut suliassamut soqutiginninneq annertunerulissasoq, tassunga ilanngullugu angajoqqaatur oqartussaassuseqartut ingerlalluartut aningaasatigut annaasaqaratik suliassamik ingerlatsinissamut pilerinnilernissaannut tunngatillugu. Aammattaaq oqaatigineqassaaq siunnersuummi immikkoortoq 5.3-mi allaqqasutut allatseqarfimmit</p>

	taarsiullugu allatseqarfimmit ikiorneqarnermut atorneqassasut.			ikiorneqarnissamut ukiumoortumik aningaasaliisarnissaq naatsorsuutigineqartoq.
6.4	Angajoqqaat siunnersuisoqatigiivisa ukiumoortumik nalunaarusiai avammut saqqummiunneqartariaqarput.	IMAK	Aap	Siunnersuisoqatigiit sulinerannik angusaannillu siaruaasarnissaq pingaaruteqarput.
7	Tusarniaanermi atortut kommunip 18. maj 2016 tiguai tusarniaanerlu 23. juunimut killeqarluni, siunnersuullu ajoraluartumik politikikkikut suliarineqarani.	Qeqqata Kommunua	Naamik	Oqaaseqaat oqaaseqaateqarnissamik kinguneqanngilaq. Siunnersuut kommunimut sapaatit akunneri tallimat sinnerlugit tusarniutigineqarpoq.
7.1	Siunnersuut annertuunik aningaasartuuteqarnissamik kinguneqassaaq, ernumassutigineqarporlu atuarfeqarnermi suliniutinut allanut aningaasanit tiguneqassasut.	Qeqqata Kommunua	Naamik	Siunnersuisoqatigiinnut aningaasanik missingersuusiordermi siunnersuisoqatigiit suliassamik naammaginantumik sunniuteqartumillu suliaqarsinnaanissaat siunertaavoq. Aammattaaq oqaatigineqassaaq siunnersuisoqatigiit ingerlanerintut aningaasalersuineq, atuarfik pillugu inatsimmut tunngatillugu ”avataaninngaanniissa-soq”, tassa aningaasat Namminersorlutik Oqartussat aningaasanut inatsisaannit akilerneqartassammata. siunnersuisoqatigiit

				<p>taamaalillutik atuarfik pillugu inatsimmi aningaasalersuinissamut aalajangersakkanut nalinginnaasunut ilaassanngilaq, takuuk tassani § 53, taannalu malillugu meeqqat atuarfianni aningaasartuutit tamarmik kommunit akilertassavaat.</p> <p>Taamaammat siunnersuummi aningaasalersuinissamut tunngaviit meeqqat atuarfeqarnermi allanit tiguneqarnissaannik oqarnissaq tunngavissaqanngilaq.</p>
7.2	Kangaamiuni Sarfannguanilu atuarfiit siulersuisui marluk siunnersuut iluarisimaarpaat.	Qeqqata Kommunia	Naamik	Siunnersuummut isumaqataaneq
7.3	Ernumassutigineqarpoq siunnersuut pitsaasunik siunertaqaraluarluni aningaasartuutitut tunngatillugu kissaatigineqartutut pissarsiviussanngitsoq, tassa aningaasat meeqqat atuarfiannit immikkoortunit allanit tiguneqartussaammata.	Qeqqata Kommunia	Naamik	Qulaani oqaatigineqartutut siunnersuut atuarfik pillugu inatsimmi atuuttumi aningaasalersuinermit tunngavinnut nalinginnaasunut ilaanngilaq. Taamaammat isumaqassalluni tunngavissaqanngilaq aningaasat meeqqat atuarfeqarnermi allanit tiguneqassasut.
7.4	Qeqqata Kommuniata allattoqarfia naliliivoq angajoqqaat	Qeqqata Kommunia	Naamik	Malugeqquneqarpoq sumiiffinni atuarfiit siulersuisui pioreersut

<p>isumasioqatigiivinik pilersitsineq kissaatigineqartut sunniuteqarani meeqqat atuarfiannut akisussaannermik siaruaatseqataassasoq. Tamassumunnga tunngavilersuutigineqarpoq atuarfinni tamani atuuttunik atuarfinni siulersuisoqareenera, taakkulu aalajangersimasunik akisussaaffeqareerput. Atuarfiit siulersuisui taakku tassunga taarsiullugu nuna tamakkerlugu angajoqqaat siunnersuisoqatigiivinik angajoqqaat isumaannik suliaqartumik pilersitsinani angajoqqaat isumaannik paasinninnissaq kissaatigineqarpat aperineqarsinnaapput.</p>		<p>angajoqqaat nuna tamakkerlugu siunnersuisoqatigiivinut sanilliunneqarsinnaanngi- tsoq, taakku suliassaat akisussaaffiilu allaanerujussuummata siammasinnerullutillu. Sumiiffinni atuarfiit siulersuisui kommunit agguarneqarnerannut killeqarpoq. Aammattaaq atuarfiit siulersuisuisa suliassaat atuarfinnut aalajangersimasunut atuarfiit siulersuisuisa pineqartut attavigisaannut tunngassuteqarput</p> <p>Taamaammat suliassat siunnersuut malillugu angajoqqaat nuna tamakkerlugu siunnersuisoqatigiit suliassaannik suliaqarnissaannik naatsorsuuteqarnissaq isumaqarnaviannigilaq.</p> <p>Taamaammat anguniagaavoq angajoqqaat nuna tamakkerlugu siunnersuisoqatigiivi taamatut isumalluuteqartillugu nunamullu tamarmut aaqqissuussaattillugu nuna tamakkerlugu isiginnilluni meeqqat atuarfiata</p>
---	--	--

				ineriartortinneqarnissaanut tunngatillugu sunniuteqarnissamut ajornartorsiutinillu pingaaruteqartunik oqallittarnissamut tunngatillugu sunniuteqarnerussasoq.
8	Siunnersuut SIK-ip taperserpaa.	SIK	Naamik	Siunnersuummut isumaqataaneq
9	Siunnersuut angajoqqaat isummaminnik atuarfeqarneq pillugu politikikimi aalajangiisartunut pisortatigoortumik, aaqqissuussamik pitsaassusilimmillu ingerlatseqqiisarnissamut periarfissaattut iluarisimaarneqarpoq.	Kommune- qarfik Sermersooq	Naamik	Siunnersuummut isumaqataaneq
9.1	Atuarfianni siulersuisut qaangiinnartutut misiginissaat ernumassutigineqarpoq, sunniuteqartarneq eqqarsaatigiinnarnagu, aammali akissarsiat assigiinngitsorujussuunerat pissutigalugu aningaasaqarnikkut.	Kommune- qarfik Sermersooq	Naamik	Soorlu qulaani nr. 7.4-mut oqaaseqaatinut oqaaseqaatigineqartoq angajoqqaat nuna tamakkerlugu siunnersuisoqatigiivi aamma atuarfinni siulersuisut meeqqat atuarfiinut ataasiakkaanut attuumassuteqartut sanilliunneqarnissaat tunngavissaqanngilaq. Aammattaaq oqaatigineqassaaq akissarsiaqarnermik apeqqut angajoqqaat siunnersuisoqatigii visa suliassaata suunerannut annertussusaannullu tunngatillugu

				isigineqassasoq, aammalu naatsorsuutigineqarpoq siulittaasup sulinera piffissaq tamaat suliaqarfiussasoq, tamassumanilu allamik suliffeqarnissaq periarfissaqarnaviarnani.
10	§ 1 aamma § 42a aamma b innersuussutigalugit siunnersuisoqatigiinni ilaasortat kommuninit ataasiakkaanit ilaasortanik marlunnik qinersisarnissaq pitsaasuuvoq, taamaalillunilu suliaqarfinni assigiinngitsorujussuarni ilisimasanik misilittakkanillu pissariaqartarnissaq periarfissaqassaaq.	Meeqqat Illersuisuat	Naamik	Siunnersuummut isumaqataaneq
10.1	Nunaqarfinni atuarfiit illoqarfinnit atuarfinnit allaanerusumik ingerlapput, kisaatiginarporlu tamanna pillugu ilisimasat siunnersuisoqatigiinni atorpeqassasut, siunnersuisoqatigiivini immaqqa kommuninit ataasiakkaanit nunaqarfinnit ilaasortaqaqtillugu	Meeqqat Illersuisuat	Naamik	Aallaqqaasiullugu oqaatigineqassaaq IMAK akerlianik tusarniaanermi akissutimini allattoq nunaqarfinni atuarfiit siunnersuisoqatigiinnik amerlavallaanik sinniisoqartut. Taamaammat naliliisoqarpoq kommunit killissaannik siunnersuummi aalajangersarneqartoq pitsaasumik oqimaaqatigiissitsisoqarnera takutinneqartoq. Tassunga ilanngunneqassaaq kommuninit ataasiakkaanit nunaqarfinni atuarfiit

				sinniisuannik ilaasortamik ataatsimik toqqaanissaq siunnersuummi periarfissaareersoq.
10.2	Suliassarpassuit pineqarput. Eqqarsaatigineqarsinnaava suliassat amerlavallaat apeqqutinut pingaaruteqartunut angajoqqaat isumaasa taakkunungalu inassuteqaatit pitsaassusaat sunnissagaat? Siunnersuisoqatigiit sulineranni ataatsimik sammisaqarnissaq pitsaasuussaaq, assersuutigalugu meeqqat atuarfianni pitsaassutsip qaffatsinneqarnissaanut inassuteqaatit.	Meeqqat Illersuisuat	Naamik	Oqaatigineqassaaq suliassat annertussusaat piffissaq tamaat atorfilimmik siulittaasoqarluni allatseqarfeqarlunilu isumalluutitut sanilliunneqassasut. Aammattaaq oqaatigineqassaaq siunnersuummi suliassat aalajangersimasut tallimat allaqqasut, tak. siunnersuummi § 42a, imm. 2, aammalu suliassani tallimani tamani meeqqat atuarfianni pitsaassutsip qaffatsinneqarnissaanik tamanut tunngasumik ataatsimut qitiusoq. Taamaammat naliliisoqarpoq siunnersuisoqatigiinnut isumalluutigitinneqartut ataatsimut isigalugit naleqqussarneqarnikuusut.
10.3	Siunnersuisoqatigiinnut qinigassanngortinnissamut atuarfinnik aqutsivinni soqutigisaqaaqatigiinniluunniit meeqqanik suliaqartuni atorfeqarneq ajoqutaasariaqanngilaq.	Meeqqat Illersuisuat	Naamik	Aalajangersakkat pineqartut siunnersuisoqatigiit ingerlatsinerannut tunngatillugu sumulluunniit attuumassuteqannginnissa mut kinaassusersiunnginnissam

				<p> ullu siunnersuisoqatigiinni qitiusup qulakkeerneqarnissaanut pingaaruteqarput. Taamatut sumulluunniit attuumassuteqannginneq taamaalilluni tatiginartuuneq ilaasortaq tassunga peqatigitillugu immikkoortumi immikkut soqutigisalimmut atassuteqarpat ilumoortuunera apeqquserneqarsinnaavoq. Tassunga peqatigitillugu tikkuassallugu pingaaruteqarpoq siunnersuisoqatigiinni ilaasortat ”angajoqqaajunermikkut” ilisimasatik misilittakkatillu tunngavigalugit qinerneqartassasut. Tamannarpiaq siunnersuisoqatigiinni immikkut pitsaassusiliissaaq, aammalu siunnersuisoqatigiit pilersinneqarneranni tunngaviuvoq angajoqqaat il.il. ataatsimut oqaaseqartartoqarnissaasa qulakkeerneqarnissaa. </p>
10.4	<p> Kingunissaanik naatsorsuinermi ”meeqqanut inuusuttunullu kingunissai”-nik immikkoortoqartariaqarpoq </p>	<p> Meeqqat Illersuisuat </p>	<p> Naamik </p>	<p> Tamassumani malittarisassiornermut Namminersorlutik Oqartussat najoqqutassiaasa </p>

				ataatsimut isigalugu allangortinneqarnissaat pisariaqassaaq.
10.5	Atuarfimmi angajoqqaat nuna tamakkerlugu siunnersuisoqatigiivini pilersitsinissaq Meeqqat Illersuisuisa taperserpaa. Meeqqat inuusuttullu qanigisaat – angajoqqaat allalluunniit isumassuisut – ataatsimut oqaaseqartartoqarnissaat, tassungalu peqatigitillugu meeqqat inuusuttullu atuartinneqarnerannik sunniinissamik periarfissaqarnissaat taamaalillunilu tamassuma kingorna ilinniaqarnissamut pingaaruteqarput.	Meeqqat Illersuisuat	Naamik	Oqaaseqaat siunnersuummik allangortinneqarnerannik kinguneqanngilaq.

Taakku saniatigut Inuusutissarsiornermut, Suliffeqarnermut Niuernermullu Naalackersuisoqarfimmit kiisa Ilaqutariinnermut, Naligiissitaanermut, Isumaginninnermut Inatsisinillu Atuutsitsinermit Naalackersuisoqarfimmit tusarniaanermi akissutinik tigusaqartoqarpoq, taakkulu siunnersuummut oqaaseqaatissaqanngillat.